

# Riu Palace Aruba ta patrosinador oficial di e proyecto Shrek y su gang



STa. CRUZ -- Riu Palace Aruba consciente di su obligacion civico cu pais Aruba, a patrosina e grupo di mundo infantil pa

organiza e evento di Shrek y su Gang. E organizacion di mundo infantil ta ricibiendo yudanza di Riu Palace Aruba, pa asina nan

por organiza e actividad di Shrek y su Gang pa e hobennan di nos isla por diverti nan mes.

E organizacion di mundo infantil aki ya caba ta realizando actividadnan pa varios aña caba pa nos hobennan, constantemente ta mira e reto cu nan ta enfrente pa logra trece eventonan di e magnitud cu nan ta realiza y pesey nan a acerca Riu Palace Aruba,

pa asina conhuntamente waak con por realiza e evento aki pa nos hobennan. Recientemente sr. George Winterdaal y sra. Esmeralda Tromp a bishita Riu Palace Aruba y den presencia di sr. Richard Velasco Director di Riu Palace Aruba, nan a ricibi e donacion di parti gerencia di Riu Palace Aruba, cu a ricibi e proyecto aki cu man habri, teniendo na cuenta cu e ta enfoca principalmente riba hobennan cu ta nos futuro. Riu Palace ta consciente cu hobennan ta futuro di un pais y banda di studia y traha duro pa un mihor futuro na school, relahamento y diverticion tambe ta masha importante pa e hobennan y pesey

e proyecto di Shrek y su gang sigur lo contribui na e parti aki. Riu Hotels & Resorts ta e di 27 mayor cadena hotelero di mundo y e di tres mas grandi na Spaña den cantidad di kamer y generalmente Riu Hotels & Resorts ta wordo considera e organizacion internacional pionero y lider den turismo di solo, beach y lama bunita. Riu Hotels & Resorts a keda funda na anja 1953. E sede Central di RIU ta situa den e compleho di oficinanan di Riu Hotels & Resorts Center, na Playa de Palma, Mallorca, España. Actualmente e compania ta wordo maneha y dirigi pa e di tres generacion di e famia Riu.

